

შეთანხმება

ელექტრონული ტენდერის საშუალებით სახელმწიფო შესყიდვის
ერთობლივად განხორციელების შესახებ

ქ. ამბროლაური

07 აგვისტო, 2018 წელი.

ერთი მხრივ, ამბროლაურის მუნიციპალიტეტი, წარმოდგენილი მერის ზვიადი მხეიძის სახით,
მეორე მხრივ, ონის მუნიციპალიტეტი, წარმოდგენილი მერის ემზარ საბანაძის სახით,
მესამე მხრივ, ცაგერის მუნიციპალიტეტი, წარმოდგენილი მერის ავთანდილ უგრეხელიძის სახით,
მეოთხე მხრივ, ლენტეხის მუნიციპალიტეტი, წარმოდგენილი მერის ბადრი ლიპარტელიანის სახით,

შემდგომში ერთობლივად მოხსენიებულნი, როგორც „მხარეები“, ხოლო ცალ-ცალკე როგორც „მხარე“,

„სახელმწიფო შესყიდვების შესახებ“ საქართველოს კანონის მე-9 მუხლის 1¹ პუნქტის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების მე-10 მუხლის საფუძველზე, ვაფორმებთ წინამდებარე შეთანხმებას (შემდგომში - შეთანხმება) შემდეგზე:

მუხლი 1. შეთანხმების საგანი

შეთანხმების საფუძველზე მხარეები თანხმდებიან, რომ ერთობლივად განახორციელონ მუნიციპალიტეტებში 2019 წელს განსახორციელებელი სამუშაოების საპროექტო-სახარჯთაღრიცხვო დოკუმენტაციის შედგენის, კერძოდ:

- ა) ადგილობრივი მნიშვნელობის საავტომობილო გზების, ნაპირდამცავი ან/და ნაპირსამაგრი ნაგებობების, სახიდე გადასასვლელების სამშენებლო-სარეაბილიტაციო სამუშაოებისათვის, ასევე სტიქიური და სხვა ფორსმაჟორული მოვლენების შედეგად დაზიანებული ინფრასტრუქტურის აღდგენისთვის საჭირო საპროექტო-სახარჯთაღრიცხვო დოკუმენტაციის შედგენის;
 - ბ) შენობა ნაგებობების მშენებლობის, რეაბილიტაციის, რეკონსტრუქციის სამუშაოებისათვის ასევე, სხვადასხვა სახის ინფრასტრუქტურის სამშენებლო და სარეაბილიტაციო სამუშაოებისათვის საჭირო საპროექტო-სახარჯთაღრიცხვო დოკუმენტაციის შედგენის;
 - გ) წყალმომარაგებისა და წყალარინების ქსელების (სისტემების) მოწყობისა და რეაბილიტაციისათვის საჭირო საპროექტო-სახარჯთაღრიცხვო დოკუმენტაციის შედგენის;
- მომსახურების შესყიდვა 2018-2019 წლების განმავლობაში, აუქციონის გარეშე ელექტრონული ტენდერის საშუალებით, შეთანხმებით განსაზღვრული პირობების შესაბამისად.

მუხლი 2. ტენდერის გამოცხადებაზე უფლებამოსილი შემსყიდველი ორგანიზაცია

მხარეები თანხმდებიან, რომ ამბროლაურის მუნიციპალიტეტი წარმოადგენს იმ შემსყიდველ ორგანიზაციას, რომელიც უფლებამოსილია, გამოაცხადოს ელექტრონული ტენდერი.

აუქციონის გარეშე ელექტრონული ტენდერის ჩატარება უზრუნველყოს ამბროლაურის მუნიციპალიტეტის სატენდერო კომისიამ და სატენდერო კომისიის აპარატმა.

2019 წელს განსახორციელებელი სამუშაოების საპროექტო-სახარჯთაღრიცხვო დოკუმენტაციის შედგენის, მომსახურების (2018-2019 წლების განმავლობაში) შესყიდვის მიზნით გამოსაცხადებელი აუქციონის გარეშე ელექტრონული ტენდერის სატენდერო დოკუმენტაციის პროექტი დამტკიცდეს წინამდებარე შეთანხმებაზე თანდართული დანართის შესაბამისად.

მუხლი 3. დავების მოგვარება

მხარეები შეეცდებიან, მათ შორის შეთანხმებიდან გამომდინარე დავები მოავგარონ ურთიერთმოლაპარაკების გზით. შეუთანხმებლობის შემთხვევაში მხარეთა შორის დავას განიხილავს საქართველოს სასამართლოები საქართველოს კანონმდებლობის შესაბამისად.

მუხლი 4. სხვა დებულებები

4.1. შეთანხმება ძალაში შედის მხარეთა მიერ მისი ხელმოწერის მომენტიდან.

4.2. შეთანხმება შეიძლება შეწყდეს:

ა) მხარეთა წერილობითი შეთანხმებით;

ბ) საქართველოს კანონმდებლობით დადგენილ სხვა შემთხვევებში.

4.3. შეთანხმებაში ცვლილებ(ებ)ის და დამატებ(ებ)ის შეტანა შესაძლებელია მხოლოდ მხარეთა შორის წერილობითი შეთანხმების გაფორმების გზით. შეთანხმებაში შეტანილი ცვლილებები და დამატებები წარმოადგენს შეთანხმების განუყოფელ ნაწილს.

4.4. შეთანხმების რომელიმე მუხლის ან პუნქტის ბათილობა არ გამოიწვევს მთლიანად შეთანხმების ან/და მისი სხვა მუხლის ან პუნქტის ბათილობას.

4.5. ის საკითხები, რომლებიც არ არის გათვალისწინებული შეთანხმებით, რეგულირდება საქართველოს კანონმდებლობით.

4.6. შეთანხმება შედგენილია ქართულ ენაზე, თანაბარი იურიდიული ძალის მქონე 4(ოთხი) ეგზემპლარად. თითო ეგზემპლარი გადაეცემა თითოეულ მხარეს.

მხარეთა ხელმოწერები:

ამბროლაურის მუნიციპალიტეტი
მერი ზვიადი მხეიძე

ონის მუნიციპალიტეტი
მერი ემზარ საბანაძე

ცაგერის მუნიციპალიტეტი
გამგებელი ავთანდილ უგრეხელიძე

ლენტეხის მუნიციპალიტეტი
გამგებელი ბადრი ლიპარტელიანი



N	მუნიციპალიტეტი	სამშენებლო, საარეგბილიტაციო, ნაკირდაცვის, სახიდე გადასაცვლელების სამშენებლო, საარეგბილიტაციო ობიექტებისა და სტიქიის შედეგად დაზიანებული ინფრასტრუქტურის აღდგენისათვის საჭირო	შენიშვნა ნაგებობების მშენებლობის, რეგისტრაციის, რეკონსტრუქციის ასევე, სხვადასხვა სახის ინფრასტრუქტურის სამშენებლო და საარეგბილიტაციო სამუშაოები	წყალმომარაგებისა და წყალარინების ქსელების (სისტემების) მოწყობისა და რეგისტრაციისათვის საჭირო სამუშაოები	ჯამი	ხელმოწერა
1	ამბროლაური	2,693,000.00	1,590,000.00	1,020,000.00	5,303,000.00	
2	ონი	2,050,000.00	90,000.00	80,000.00	2,220,000.00	
3	ცაგერი	2,264,000.00	1,730,000.00	0.00	3,994,000.00	
4	ლენტეხი	5,050,000.00	1,400,000.00	500,000.00	6,950,000.00	

